

SCRIPT OF EVENING GOJRI NEWS BULLETIN 17MAY 2025 1700HRS

اونینگ گو جری نیوز بلیٹن مورخہ 17 مئی 2025

یوہ آکا شوانی جموں ہے طارق ابرار تے نصرت تیں خبر سُنو۔

HEADLINES

۱۔ لیفٹیننٹ گورنر منوج سنہا نے کہیو ہے جے پاکستان مانہ گجھ وی بھارتی فوج غی پہنچ تیں باہر نہیں ہے۔

۲۔ وزیر اعلیٰ عمر عبداللہ نے کہیو ہے جے سیاحت ناں بھال کرن واسطے حکومت گی پہلی ترجیح امرناتھ یاترا ور ہے۔

۳۔ ریاستی تحقیقاتی ایجنسی نے وسطے تے شمالی کشمیر گا بکھ بکھ علاقان ماں چھا پاں گو سلسلو شروع کیو ہے۔

۴۔ مسلح افواض گی بہادری ناں خراج تحسین پیش کرن گی خاطر جموں خطہ گا بکھ بکھ علاقان مانہ ترنگا یاترا کڈی گئیں۔

۵۔ آئی پی ایل کرکٹ ٹورنامنٹ 2025 اک ہفتہ توڑی معطل رہن تیں بعد اج رات ریل چیلنجر بنگلورو تے کولکتہ ٹائیٹنز ڈرز گے بشکار بنگلورو مانہ دوبارہ تیں شروع ہو رہیو ہے۔

LG TANGDHAR

جموں کشمیر گا لیفٹیننٹ گورنر منوج سنہا نے بھارت گی طرفوں نشانہ بنایا گیا دہشت گرد گروپاں ناں تعاون دین بارے پاکستان ناں خبردار کرتاں کہیو ہے جے پڑوسی ملک ما کو اے بھی چیز ایسی نہیں جہیڑی بھارتی مسلح افواج گی پہنچ تیں دور وے منوج سنہا نے ٹنگڈھار سیکٹر ما قبصہ لکیرور تعینات فوجی اہلکاراں سنگ گل کرتاں کہیو جے " پوری دنیا نے بھارتی مسلح افواج کی بہادری ناں دیکھیو اور پاکستان نے پوری دنیا تیں گزارش کر نو شروع کر دتی۔ ہم کدیں وی جنگ کا حق مانہیں رہیا اور ہم امن سنگ رہنو چاہواں " انہاں نے الزام لایو جے پاکستان قرضہ کا زور انسانیت ناں تباہ کرن در تلیو وؤ ہے اس موقعہ ور گل کرتا واں ایل جی منوج سنہا نے اس طرح کہیو۔

SIA RAIDS

ریاستی تحقیقاتی ایجنسی نے مرکزی تے جنوبی کشمیر کی بکھ بکھ جگہاں ور چھاپہ مار کا روایاں گو شروع کیو ہے یہ چھاپہ مار کا روایاں دہشت گردی سنگ جڑی سرگرمیاں گا اک حصہ کا طور ور عمل ما آئی گئی ہیں۔ تلاشی مہم جنوبی کشمیر ما ہندواڑہ تے بارہ مولہ گا سوپور اور مرکز ی کشمیر کا گاندر بل تے سرینگر ما شروع کی گئیں۔ ان چھا پہ مار کا روایاں گے دوران کجھ وی برآمد نہیں ہوؤ تے نہ ہی کوئی شخص حراست ما لیو گیو۔ سرکاری ذریعے گے مطابق کشمیر ما چلا یا جا رہا دہشت گردی کا نیٹ ورکاں ناں توڑن بارے کوششاں گا سلسلہ ماں یہ تلاشی کاروائی عمل ما لیا گئی۔ یہ کاروائی پولیس گی طرفوں مرکزی کشمیر کا بڑگام ضلع ما کاؤسہ ناربل ما گام علاقہ ما ممنوعہ دہشت گرد تنظیم لشکر طیبہ سنگ وابستہ 3 افراد کی گرفتاری تیں بعد دہشت گردی کی کمر توڑن واسطے سخت اقدامات کیا گیا ہیں۔

CM

وزیر اعلیٰ عمر عبداللہ نے کہیو بے جے چونکہ سیاحت گوشعبوئری طرح متاثر ہوؤ ہے اس واسطے حکومت کی پہلی ترجیح امر ناتھ یاترا ناں بہتر ڈھنگ سنگ چلا گئے سیاحت ناں بحال کرن ور ہے۔ وزیر اعلیٰ عمر عبداللہ نے یوہ وی کہیو جے پاکستان کی طرفوں کی گئی گولہ باری گانتیجہ ماہون آلا نقصانات گوجا زو لیو جارہیو بے اور رپورٹ تیار ہون تیں بعد سرحدی گولہ باری تیں متاثر ہون آلا لوکاں ناں معاوضہ دتو جلاے گو۔ انہاں نے کہیو جے سرحدی علاقوں تے قبضہ لکیر ورجنگ بندی کی خلاف ورزی کی کلاے خبر نہیں ہے۔ گل جماعتی وفد گاکلیدی شراکت دار ملکاں گادورہ کرن بارے، سرحد پارگی دہشت گردی تے آپریشن سندور بارے وزیر اعلیٰ عمر عبداللہ نے اس طرح کہیو۔

SATISH INFRA PROJECTS

ٹرانسپورٹ گا وزیر ستیش شرما نے اج چھمب علاقہ گو دورو کیو اس موقع ور انہاں نے کئی ترقیاتی منصوباں گو سنگ بنیاد رکھیو تے کجھ مکمل منصوباں غو افتتاح کیو اپنا دورہ غے دوران وزیر نے پی ایچ سی میرا مان دریا مانہ 45 لکھ روپیہ غی لاگت تیں بنن آلا علاقہ غی صحت سہولیات واسطے سرکاری مرکز غی سنگ بنیاد رکھی نال ہی انہاں نے گراں گودن پنچایت کنڈ ی مانہ 9 اشاریہ 76 لکھ روپیہ غی لاگت تیں بنن آلو کمیونٹی ہال غو افتتاح کیو اس تیں علاوہ وزیر نے 22 اشاریہ 94 لکھ روپیہ غی لاگت تیں بنن آلو جی ایم ایس بیان سکول گو افتتاح وی کیو جہڑو ضلع غا کیپکس بجٹ تیں مکمل ہوو۔

WORLD HYPERTENSION DAY

اج دنیا غا کئی ملکاں مانہ ہائی بلڈ پریشر غو تہاڑو منایو جارہیو ہے اس دن غو مقصد ہے کہ لوکاں نانہ آگاہ کیو جے کہ ہائی بلڈ پریشر کتنو خطرناک ہو سکے تے اس نانہ روکن تے کنٹرول کرن واسطے کہ کیو جے۔ اس سال اس تہاڑا غی 20 ویں سالگرہ منای جارہی ہے تے اس سال غو پیغام ہے اپنا بلڈ پریشر نانہ صبح طریقہ سنگ چیک کریں اس نانہ قابو مانہ رکھیں تے لمبی زندگی گزاریں۔ یوہ تہاڑو سب تیں پہلاں 2005 مانہ منایو گیو تھو تے اس نانہ ولڈ ہائی پریشر لیگ نامی تنظیم نے شروع کیو تھو جہیری پوری دنیا مانہ ہائی بلڈ پریشر تیں لڑن واسطے کم کرے۔

TIRANGA YATRA

دہشت گرداں گے خلاف آپریشن سندور کی کا میابی گو جشن منان تے بھارتی مسلح افواج کا اعزاز مانہ اکھنور مانہ اک ترنگا ریلی کڑھی گئی۔ اس ریلی ما شامل لوکاں نے ہتھان ما ترنگا جھنڈا چایا وا تھا تے وے بھارتی افواج کی بہادری کا نعرہ لا رہیا تھا۔ اس موقع ور بولتاں واں مقامی لوکاں نے اس طرح کہیو اسے طرح کشتواڑ ما بھارتی افواج کی بہادری ناں خراج تحسین پیش کرن واسطے 2 ترنگا یاترا کڑھی گیں جن وچوں اک ترنگا یاترا کی قیادت بی جے پی ایم ایل اے شگن پریہار کر رہی تھیں۔ اس موقع ور بولتاں واں ایم ایل اے شگن پریہار نے اس طرح کہیو - کشتواڑ ما دوجی ترنگا یاترا گواہتمام گورنمنٹ ڈگری کالج گا این سی سی - یونٹ نے ضلع انتظامیہ کا اشتراک سنگ کیو تھو۔ ڈوڈہ ما بھی مقامی لوکاں کی طرفوں ترنگا ریلی کڈھ غے بھارتی فوج کی تعریف کی گئی آپریشن سندور کی کا میابی بارے کجھ مقامی لوکاں نے اس طرح کہیو۔

BOOK RELEASE

جموں کشمیر مافن - ثقافت تے زبانان گی ترقی بارے کم کر رہی اکادمی نے پنجابی لیکھک سبھا گی سانجھ سنگ کے ایل سہگل آڈیٹوریم جموں ما رفیق مسعودی گی کشمیری شعری گی رسم اجرا "Birahara" مجموعہ " پنون دور پنون ڈگ۔گا پنجابی ترجمہ میری پیڑ۔ میرا تقریب منعقد کی۔ اس موقعہ ور سابتیہ اکادمی اعزاز یافتہ پنجابی لکھاڑی خالد حسین مہمان خصوصی تھا اور اکادمی گا سابق ایڈیشنل سیکریٹری ڈاکٹر اروندر سنگھ امن تقریب گی صدارت کر رہا تھا۔ اکادمی کی سیکر یٹری ہر و یندر کور وی اس موقعہ ور موجود تھیں۔ رفیق مسعودی گی کتاب گو پنجابی ترجمو دہلی یونیورسٹی سنگ جڑیا ڈاکٹر گگن دیپ سنگھ نے کیو ہے۔

DOHA DIAMOND LEAGUE

بھارت گو مشہور نیزہ باز نیرج چوپڑا نے 2025 غی دوبا ڈا منڈ لیگ مانہ مرداں غا نیزہ پھینکن غا مقابلہ مانہ دوجو مقام حاصل کیو ہے اولمپک مانہ سونا غو تمغو حاصل کرن آلا نیرج چوپڑا نے پہلی واری 90 میٹر غی حد عبور کی تے تیجی پاری مانہ شاندار 90 اشاریہ 23 میٹر غو نیزو پھینکیو لیکن جرمنی غا جولین ویبر نے آخری کوشش مانہ 91 اشاریہ صفر 6 میٹر ور زبردست نیزو پھینک غے سونا غو تمغو حاصل کیو۔ وزیر اعظم نریندر مودی نے نیرج چوپڑا نانہ 2025 گی دوبا ڈا منڈ لیگ مانہ 90 میٹر غی حد عبور کرن ور مبارک باد دی۔ سماجی میڈیا ور اپنا پیغام مانہ وزیر اعظم نے اس کامیابی نانہ قابل فخر قرار دتو تے کہیو یوہ نیرج غی محنت نظم و ضبط تے جزیہ غو نتیجو ہے۔

IPL RESTART

انڈین پرمیر لیگ 2025 اج ایک ہفتہ غا وقفہ تیں بعد دوبارہ شروع ہو رہی ہے اج غو مقابلو رائل چیلنجر بنگلورو تے کلکتہ ناٹ رائٹرز غے بشکار شام ساڈھست بجے سنگلورو غا ایم چینا سوامی میدان مانہ کھیڈیو جے غو یاد رہ جے 9 مئی نانہ بھارت تے پاکستان غے بشکار کشیدگی غے باعث آئی پی ایل نانہ عارضی طور ور روک دتو گیو تھو ہُن آئی پی ایل نے نوو سڈیول جاری کیو ہے جس غے مطابق موہالی تے دھرم شالا مانہ کئی مقابلو نی وے غو۔ آخری مقابلو جھیزو پہلاں 25 مئی نانہ ہونو تھو ہُن 3 جون نانہ کھیڈیو جے غو آخری ت اہم مقابلہ غا مقامات غو اعلان جلد کی وجے غو۔
